

Campus Kujalleq konsulentitut allaffimmiumik pissarsiorpoq

Campus Kujalleq konsulentitut allaffimmiumik pissarsiorpoq

Allaffimmiumik inussiarnersuumik, sullarissumik aalajaatsumillu 01. oktober 2026 aallarnerfigalugu imaluunniit isumaqatigiissuteqarnikkut atorfinittussamik Campus Kujalleq ineqartut allaffeqarfiani sulisussamik inuttassarsiuvoq.

Campus Kujallermi ilinniartut ineqarfiini najugaqartuusut inissisimaffii aallaavigalugit allaffissornikkut ataqqinnittumik sullissilluarsinnaasumik sulisussarsiorpoq.

Ilinniartut ineqarfiini najugallit sineriak tamakkerlugu aggerfeqarput, taakkulu ilaqttatik ikinngutitillu qimallugit Qaqortumut ilinniariartarput. Taamaattumik maqaasineq angerlarsernerlu ulluinnarni naammattuugassaasarpoq.

Allaffimmiutut nutaatut ilinniartut ineqarfiini pisortaasoq qullersarissavat. Saniatigut allaffimmi sulisut allat, pedellet, ilinniartut 18-it inorlugit ineqarfianni sulisut, eqqiaasut CAK-milu sulisut allat suleqatigissavatit.

Atorfik inuttassarsiorneqartoq soqutigigukku qinnuteqarnissannik kaammattorpatsigit. Ilinniarsimasat misilittakkatit qanoq atorfinnut atassusersinnaanerlugit qinnuteqaatinni tunngavilersuinissat qilanaaraarput. Tamatigoortumik suliaqarnissat naatsorsuutigissavat, suliaassallu suliarisinnaasariaqarpatit:

- Ineqartut isumaqatigiissutinik sullinnissaat, isertertut anisullu.
- Ineqartut allattorsimaffiannik ataavartumik malinnaasumillu nakkutiginninneq.
- Ineqarfiit amerlassusaannik ineqarfinillu atorneqanngitsunik nakkutiginniitigaluni suleqatigisanut malinnaatitsineq.
- Ineqartut matuersaataannik (Iloq & Salto) passussineq nakkutiginninnerlu.
- Ineqartut 18-it inorlugit ukiullit angajoqqaavinut sulisunullu allanut suleqatigisat peqatigalugit ilisimatitsisarneq.
- Ineqartussat tikinnissaannut inississorlugit piareersaasiorneq, aallalernerinilu iniminnik qimatsilersut allaffissornikkut sullinneqarneri nakkutigineqarnerilu.
- Oqarasuaatikkut, allakkasuartaatikkut saaffiginnittunillu qanimut sullitanik suleqatinillu pitsaasumik sullissineq.
- Ineqartut pisariaqartitsineri kissaataallu aallaavigalugit oqaloqatiginninnerit.
- Ineqarfinni pisariaqartitat aallaavigalugit pisiortorneq, pequtit pequusivimmilu uninngasuutinik nakkutiginninneq.
- Akissarsiaasanik nalunaarutiginninneq.
- Allaffissornermi suliaasanik ineqarfinnut tunngassutilinnik allanik suliaqarsinnaaneq.
- Allaffissornermi najugaqartuutit ataasiakkaallugit sullissinnaanissai.

Naatsorsuutigaarput piginnaasatit makkuusut:

- Allaffimmiutut ilinniarsimasuusutit allaffissornermillu misilittagaqartuusutit.
- Kalaallisut danskisullu oqaluttariarsornermi allattariarsornermilu piginnaasaqarluartutit.
- Allaffissornermi qarasaasiaq atorlugu programminik assigiinngitsunik atuilluarsinnaasutit.
- Biiliniq ingerlatsinermut allagartaqartutit.

Inuttut piginnaasat pingaartinneqartut:

- Sullissinermik kiffartuussinermillu sungiussisimasuusutit.
- Sullitannit suleqatinniillu saaffikkuminartuusutit, akuersaartumillu isiginnittariaaseqartuusutit.
- Namminersorsinnaassuseqarlutit akisussaassuseqartumillu sulisinnaasutit.
- Suliassanik peqqissaartumik torersumillu suleriuseqartutit.
- Aalajaatsuullutillu tatiginartuusutit.
- Akisussaaffimmik tiguisinnaassuseqartuusutit.
- Qiimasumik, pitsaasumik inussiarnersumillu kiffartuussisinnaasutit.
- Suliassanut ilisimaarinnittuullutillu ilisimasaqalernerulernissannullu pimoorussisuusutit.
- Suleqatinut assigiinngiiaartunik suliaqartunik suleqatikkuminartuusutit.
- Allaffissornikkut suliaassanik allanik soqutiginnittuusutit suleqativillu suliaassaannik oqilisaaqataasinnaanissamut ammasuusutit.

Sapaatip akunneranut akunnerit 40-it sulineq pissaaq.

Allaffimmi konsulentitut akissarsiat atorfinitsitaanermilu atugassarititaasut isumaqatigiissutit sulinermilu isumaqatigiissutit sukkulluunniit atuuttut naapertorlugit inissinneqassapput.

Atorfik pillugu sukumiinerusumik paasisaqarusukkuit ilinniartut ineqarfiinik pisortaq Lis Margrethe Larsen attaveqarfigisinnaavat oqarasuaat 64 78 56 aqqutigalugu imaluunniit e-mail aqqutigalugu: lml@cak.gl.

Qinnuteqaat ilinniagaqarsimanermut uppersarsaatit, suliffigisimasat pillugit paasissutissiissutitalik oqaaseqaatillu nassiunneqassapput. Qinnuteqaatit nassiutilerukku meeqqanik pinerliisimannginnermut uppersarsaat kiisalu pillagaasimannginnermut uppersarsaat ilanngutissavatit.

Qinnuteqaatit kingusinnerpaamik 19. September 2026 Campus Kujallermut apuunneqariissaaq, cak@cak.gl.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersarsaatitalinnik piginnaasalik immikkut siunnersortitut, siunnersortit pisortaatut siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu malittarisassat qaqugukkulluunniit atuuttut naapertorlugit sulisunut inissiamik pequsersorsimanngitsumik innersuussisoqarsinnaavoq. Inissamik innersuussisoqarsinnaanngilaq, pineqartoq atorfimmut atatillugu ineqareersuuppat, imaluunniit ineqarsimappat kommunep inaataanik Namminersorlutillu oqartussalluunniit inaataanik. Malittarisassat qaqugukkulluunniit atuuttut naapertorlugit inissiamut innersuussutigineqartumut akiliutit qularnaveeqqutillu akilernerqassapput. Atorfimmut atatillugu ini atorfeqarnermut tunngavoq atorfeqarnerullu unitsinnerani

qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga sananeqarsimanera, piginnittua il.il apeqqutaallutik. Sulisutut ataavartumik initaarnissaq utaqqinarsinnaavoq, taamaattumik utaqqiisaagallartumik inissiisoqarsinnaasarpog, tassunga ilanngullugu najugaqatigiiffinnut minnerusunut imaluunniit akunnittarfimmi inissianut inissiisoqarallarsinnaalluni, taakkulu akileraarusersorneqassallutik. Sulisunut inissiani utaqqiisaasumiklluunniit inigisani angisuunik uummasuuteqarsinnaaneq soorlu qimmeqarsinnaaneq qitsuuteqarsinnaanerluunniit periarfissaqanngilaq

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkitt.
E-mail-ikkut qinnuteqaatinik tigusineq ajorpugut.